



ДОРНОД АЙМАГ ДАХЬ
ТӨРИЙН АУДИТЫН ГАЗАР

21000, Дорнод аймаг, Хэрлэн сум 7-р баг
ЗДТГ-ын II байр, Утас/Факс: 7058-4203

2020.08.13 № 500

танай _____ -ны № _____ -т

Сонгуулийн мөрийн хөтөлбөрийн дүгнэлт

Төрийн аудитын тухай хуулийн 6 дугаар зүйлийн 6.3, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д заасан Төрийн аудитын байгууллагын бүрэн эрхийн хүрээнд орон нутгийн хурлын сонгуульд оролцох Сэргэлэн сумын Монгол ардын намын сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Сумын иргэдийн Төлөөлөгчдийн Хурлын сонгуульд оролцох Сэргэлэн сумын Монгол ардын нам нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлтийн тухай хууль болон "Алсын хараа-2050"-д нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцооны хамт ирүүлж, хуульд заасны дагуу дүгнэлт гаргуулах үүрэг хүлээнэ.

Сонгуулийн мөрийн хөтөлбөрийн дүгнэлтийн үндэслэл

Төрийн аудитын байгууллага нь сумын иргэдийн Төлөөлөгчдийн Хурлын сонгуульд оролцох Сэргэлэн сумын Монгол ардын намын сонгуулийн мөрийн хөтөлбөрийг хянан үзэхдээ Төрийн аудит MNS 6817 - 1 : 2020 Тулгуур зарчим, Төрийн аудит MNS 6817 - 6 : 2020 Нийцлийн аудитын зарчим, Төрийн аудит MNS 6817 - 8 : 2020 Нийцлийн аудит стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого төлөвлөлт, түүний удирдлагын тухай хууль, Монгол Улсын нэгдсэн төсвийн 2020 оны төсвийн хүрээний мэдэгдэл, 2020-2022 оны төсвийн төсөөллийн тухай хууль болон "Алсын хараа-2050", холбогдох бусад байгууллагаас авсан мэдээллийг шалгуур болгосон.

Дүгнэлт

"Сэргэлэн сумын Монгол ардын нам"-ын сумын иргэдийн Төлөөлөгчдийн Хурлын сонгуульд оролцохоор ирүүлсэн сонгуулийн мөрийн хөтөлбөр, түүнд орсон зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, "Алсын хараа-2050", Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

"Сэргэлэн сумын Монгол ардын нам"-ын мөрийн хөтөлбөр /... хуудас/-ийг хавсаргав.

Хувийг: /Аймгийн/ Сонгуулийн хороонд
Хавсралт хуудастай.

ДАРГА БӨГӨӨД
ТЭРГҮҮЛЭХ АУДИТОР



БОЛОРТУУЛ


011020535

Сэргэлэн сумын Монгол Ардын Намын хорооны Тэргүүлчдийн
2020 оны 07-р сарын 16-ны өдрийн 01 дугаар тогтоолын
01 хавсралт



**СЭРГЭЛЭН СУМЫН МОНГОЛ АРДЫН НАМЫН ХОРООНООС
2020 ОНЫ ОРОН НУТГИЙН ХУРЛЫН СОНГУУЛЬД ОРОЛЦОХ
МӨРИЙН ХӨТӨЛБӨР**

Сэргэлэн сумын Монгол Ардын Намын хорооноос 2020 оны Орон нутгийн сонгуульд оролцох Мөрийн хөтөлбөрийг "Аймаг, нийслэл, сум, дүүргийн Иргэдийн Төлөөлөгчдийн хурлын сонгуулийн тухай хууль, Монгол Улсын Их хурлаас баталсан "Алсын хараа*2050", Дорнод аймгийн Монгол Ардын Намаас Орон нутгийн хурлын сонгуульд оролцох Мөрийн хөтөлбөр, Сэргэлэн сумын хөгжлийн ерөнхий төлөвлөгөө боловсруулах явцад ард иргэдээс гарсан санал, холбогдох байгууллагуудын зөвлөмжийг үндэслэн боловсруулав.



Сэргэлэн сумын Монгол Ардын Намын хорооноос 2020 оны Орон нутгийн хурлын сонгуульд оролцох **УРИА: ХӨГЖЛИЙН ТӨЛӨӨ ХҮЧЭЭ НЭГТГЭЭ**
Хэрэгжих хугацаа: 2020-2024 он

НЭГ: ТӨР - ИРГЭНИЙ ХАМТЫН АЖИЛЛАГАА ӨРГӨЖНӨ.

- 1.1. Нутгийн боловсон хүчнийг дэмжиж ажиллана.
- 1.2. Төрийн үйл ажиллагааны чанар хүртээмжийг нэмэгдүүлэхэд технологийн дэвшлийг ашиглана.
- 1.3. Төрийн бүх байгууллагуудад ажиллагсдын ажиллах таатай нөхцөлөөр хангахын зэрэгцээ ар гэртээ зарцуулах цаг хугацааг нэмэгдүүлэх зорилгоор бүтээмжид суурилсан урамшууллын тогтолцоог нэвтрүүлнэ.
- 1.4. Баг хөгжлийн хөтөлбөрийг үргэлжлүүлэн хэрэгжүүлнэ.
- 1.5. Багийн иргэдийн нийтийн хурлыг чадваржуулах, бэхжүүлэхэд анхаарч ажиллана.
- 1.6. Шинэ тутам гарч буй цахим гэмт хэрэгт өртөхөөс ард иргэдээ урьдчилан сэргийлэхэд анхаарч ажиллана.
- 1.7. Малчдын бүлгүүдээр дамжуулан төрийн үйл ажиллагаанд иргэдийн оролцоог нэмэгдүүлнэ.



ХОЁР: ХҮНИЙ ХӨГЖЛИЙН ТӨЛӨӨ.

- 2.1. Иргэний эрүүл мэндийн боловсролыг дээшлүүлэх зорилгоор сумын Эрүүл мэндийн төв болон иргэдийн хамтын ажиллагааг нэмэгдүүлнэ.
- 2.2. Нөхөн сэргээх, физик эмчилгээний тоног төхөөрөмжийг бүрэн дүүрэн ашиглана.
- 2.3. Хүүхэд багачуудын сурч боловсрох орчныг "Хүүхдэд илүү сайн ээлтэй орчин" болгохын төлөө ажиллана.
- 2.4. Хүүхэд багачуудын бие даан ажиллах чадварыг нэмэгдүүлэхийн тулд оролцогч бүрийн үйл ажиллагааг идэвхжүүлэх замаар гэр цэцэрлэг, хөдөлмөр зуслан, төлчин багачууд, мэргэжил бүхэн сайхан гэх мэт зорилтот ажлуудыг хийж хэрэгжүүлнэ.
- 2.5. Хөгжлийн бэрхшээлтэй иргэдийг сурч боловсроход таатай орчинг бүрдүүлнэ.
- 2.6. Сургалтын үйл ажиллагаанд техник технологийн давуу талыг ашиглах, сургалтын хэрэгслийн хангалтыг нэмэгдүүлэхэд анхаарлаа хандуулна..
- 2.7. Иргэдэд сэтгэл зүйн зөвлөгөө мэдээллийн үйлчилгээг үзүүлэх ажлыг эхлүүлнэ.
- 2.8. Соёл урлагийн үйл ажиллагааг соёлын төвийн хэмжээнд ойлгодог ойлголтыг халж иргэдийн оролцоог нэмэгдүүлнэ.
- 2.9. Соёлын биет болон биет бус өв, түүх соёлын дурсгалын хадгалалт хамгаалалтыг иргэдийн оролцоотой хэрэгжүүлнэ.
- 2.10. Орон нутгийг судлах танхимын үзмэрийн баяжилтийг нэмэгдүүлэхийн зэрэгцээ биет болон биет бус соёлын өвийг нээн илрүүлэх, бүртгэлжүүлэх, хамгаалах, олон нийтэд сурталчлах ажлыг хийж хэрэгжүүлнэ.
- 2.11. Бүх нийтийн биеийн тамирыг бүхий л талаар дэмжиж ажиллана.
- 2.12. "Ахмадаа ачлах" хөтөлбөр, "Эмэгтэйчүүдийн хөгжлийн хөтөлбөр", "Залуучуудын хөгжлийн үндэсний хөтөлбөр" болон хүний хөгжлийг хангахад чиглэсэн бусад төсөл хөтөлбөрүүдийг сум орон нутгийн төвшинд хэрэгжүүлэх сумын дэд хөтөлбөрүүдтэй болгоно.
- 2.13. Төрийн болон нийтийн эзэмшлийн өмч хөрөнгөнд ариг гамтай хандах, хамгаалахад нь төрийн албан хаагч төдийгүй иргэн бүрийн оролцоог нэмэгдүүлэх, сэтгэхүйн болон соёлын дадал хэвшлийг бий болгохын төлөө бүх шатанд, сургалтын орчинд, олон нийтийн арга хэмжээнд анхаарч ажиллана.
- 2.14. "Гэр бүлийн хөгжлийн дэд хөтөлбөр" боловсруулж ажиллана.
- 2.15. Мэдээллийн технологи, харилцаа холбооны үйлчилгээг өрх бүрт саадгүй хүргэх талаар анхаарч ажиллана.



ГУРАВ: ОЛОН ТУЛГУУРТАЙ ЭДИЙН ЗАСАГ

- 3.1. Иргэдийн орон нутгийн төсвийн талаарх мэдлэг, мэдээллийг нэмэгдүүлэх, төсвийн ил тод байдлыг хангахад бүхий л талаар анхаарна.
- 3.2. Бэлчээрийн даац хэтэрсэнтэй холбогдуулан малын тоо толгой, сүргийн бүтцийг зохистой хэмжээнд байлгах, нэг малаас авах ашиг шимийг нэмэгдүүлэх, бэлчээр сэлгэх, сэргээх, хамгаалах, усжуулах талаар малчин нэг бүрийн оролцоотой хэлэлцүүлгийг зохион байгуулж олонхийн саналаар гаргасан бодлого, шийдвэрийг хэрэгжүүлнэ.
- 3.3. Малын эмнэлгийн үйл ажиллагаанд бүхий л талаар дэмжлэг үзүүлэхийн зэрэгцээ төр, иргэдээс тавьж буй бодит шаардлагад шуурхай хариу үзүүлдэг мал эмнэлгийн нэгдсэн бодлоготой болно.
- 3.4. Малчдын бүлэг бүрийг эдийн засгийн бие даасан байдлаа хангах, гишүүдийнхээ орлогыг нэмэгдүүлэхэд чиглэсэн үйл ажиллагаа явуулахыг шаардаж, гаргасан санал санаачлаг, үйл ажиллагааг дэмжиж ажиллана.
- 3.5. Малын тэжээлийн үйлдвэрлэл байгуулахыг дэмжинэ.
- 3.6. Малын үүлдэр угсааг сайжруулах болон ноос ноолуур бэлтгэх явцад бүтээгдэхүүний чанарт анхаарах нь үнэ цэнийг өсгөх боломжтойг иргэдэд ухуулах замаар "Сэргэлэн сумын" гэдэг үнэлэмжийг бий болгох ажлыг үе шаттайгаар хэрэгжүүлнэ.

ДӨРӨВ: НОГООН ХӨГЖЛИЙГ ЭРХЭМЛЭНЭ.

- 4.1. Ногоон орчинг бүрдүүлэхэд бүх нийтийн оролцоог нэмэгдүүлж ая тухтай амьдрах боломжийг нэмэгдүүлнэ.
- 4.2. "Нэг голын хүүхдүүд" төслийн хүрээнд Галын гол, булаг шанд, нуур цөөрмийг хамгаалах ажлыг эрчимжүүлнэ.
- 4.3. Зэрлэг ан амьтныг хамгаалах ажилд төр, иргэний хамтын ажиллагааг идэвхжүүлнэ.
- 4.4. Хог хаягдлыг багасгах зорилгоор байгаль орчин бохирдуулах гэмт хэрэгтэй тэмцэж, олон нийтийн хараа хяналтыг сайжруулах, мэдээлэх тогтолцоог бүрдүүлэн төвлөрсөн хог хаягдлын нэгдсэн цэгийг цэгцлэнэ.

СЭРГЭЛЭН СУМЫН МОНГОЛ АРДЫН НАМЫН ХОРОО

